

重修興平縣志

興平縣志卷之五上

人物志第五

興平古茂陵班氏謂南望杜霸北眺五陵英俊之域黻冕所興者也歷漢及唐綿世載英布在方策燦如星曜五季以來稍衰歟矣豈果如趙翼氏之說謂自唐天寶以後長安氣衰吾邑人材弗競歟抑生斯土者之莫自振拔歟山川孕育蓄久必洩剝極而復以時則可奮發英起是在諸少年人矣自後漢書傳列女史志因之茲沿其例亦附錄焉志人物第五

列傳

舊志自漢魏尙至明劉琨均書名臣允矣然亦微有弗稱者

今仿史記概曰列傳其詣有獨至如文學高士之類仿十雜傳分類標焉

魏尚槐里人文帝時爲雲中太守軍市租盡以饗士卒出私養錢五日一椎牛饗士士乃投石超距惟恐不得一當於匈奴是以匈奴遠遁不敢近雲中之塞

何比干字少卿平陵人學尚書於晁錯武帝時爲廷尉正與張湯同時湯持法深而比干務仁恕數與湯爭全活者以千數遷丹陽都尉獄無冤囚

竇廣國槐里人漢文帝后弟有賢行文帝欲相之后曰恐天下以吾私廣國久念不可廣國亦力辭不受王充吉驗篇云昔

廣國家貧爲人所掠賣至宜陽爲其主入山作炭暮寒臥炭下百餘人炭崩盡壓死廣國見一人翼已而言曰汝當爲侯可速之長安因忽不見廣國之長安聞后立乃上書自陳后白于帝驗別時所識物果符乃厚賜之景帝立封爲章武侯王嘉字公仲平陵人以明經射策甲科爲郎鴻嘉中舉敦朴能言召見宣室對政事得失遷九江太守治甚有聲哀帝建平三年爲丞相封新甫侯嘉爲人剛直上甚敬之後上欲封董賢嘉封還詔書上不悅繫嘉廷尉獄二十餘日不食嘔血死後上思嘉言追謚曰忠其子崇復襲封新甫侯

雲敞字幼孺平陵人師事同縣吳章爲當世名儒平帝時坐與

莽長子宇謀歸政帝外家衛氏腰斬其門人懼累盡更名他師敞時爲大司徒掾自劾吳章弟子收章尸葬之將軍王舜薦爲中郎大夫方正學有贊見藝文

申屠剛茂陵人平帝卽位申屠剛對策謂聖主始免襁抱至親分離宜徵中山太后置之別宮令不時朝見又請召馮衛二族使得執戟宿衛以抑禍端忤莽竟罷歸建武中徵爲待御史

何並平陵人爲郡吏至大司空掾事何武武高其志節舉能治劇爲長陵令道不拾遺遷潁川太守

萬修茂陵人更始時爲信都令與太守任光都尉李忠迎光武

拜偏將軍從平河北以功封槐里侯

耿况字俠游茂陵人王莽時爲上谷太守世祖平河北以况擊王郎有功與漁陽太守彭寵俱加大將軍封列侯建武五年遣使迎還京師封牟平侯

耿弇字伯昭况子更始中父况遣詣長安衆以王郎爲成帝子勸弇從之弇不聽聞世祖在盧奴乃馳北上謁世祖留署長史稱爲北道主人時年二十一建武五年攻張步定齊地帝謂弇曰昔韓信破歷下以開基今將軍攻祝阿以發跡功足相方而韓襲擊已降將軍獨摧勁敵其功又難於信也將軍前在南陽建此大策常以爲落落難合有志者事竟成也弇

爲將凡平郡四十六屠成三百未嘗挫折焉封好時侯

竇融平陵人廣國七世孫更始中以爲鉅鹿太守辭不赴因趙萌求爲張掖屬國都尉輯撫雄傑王莽時羣推爲河西五郡大將軍世祖中興融傾心歸漢授涼州牧以從征隗囂有功封安豐侯建武二十年率五郡太守入朝改冀州牧尋徵爲大司空優禮親厚功臣中莫與爲比卒謚戴侯竇氏一門兩侯三公主四二千石

馬援字文淵茂陵人少有大志初留西州隗囂甚敬重之後歸世祖征囂於帝前聚米爲山谷形指畫形勢帝曰虜在吾目中矣囂平拜大中大夫交趾女子徵側徵貳反授伏波將軍

討平之封新息侯烏桓擾北邊自請擊之曰男兒要當死於邊野以馬革裹屍還葬耳五溪蠻深入又請行帝愍其老援曰臣尙能披甲上馬乃據鞍顧盼帝笑曰矍鑠哉是翁也後卒於軍梁松因事陷之收印綬妻子訟冤乃歸葬永平中女立爲后追諡忠成侯封樹建祠

張湛字子孝矜嚴好禮拜光祿勛常乘白馬進諫光武曰白馬生復諫矣

班超字仲升平陵人徐令彪之少子也居家孝謹不恥勞苦家貧爲官傭書投筆歎曰大丈夫當效張騫傅介子立功異域取封侯安能久事筆硯間乎左右笑之超曰小子安知壯士

興平縣志
志哉相者謂曰生燕頤虎頸飛而食肉此萬里侯相也後立功西域封定遠侯子勇亦有父風

案漢書彪傳曰安陵人超傳曰平陵人舊志平陵屬今興平孫西峯鄠志安陵在今咸陽故以超入志彪則不敢濫登焉馬况援之兄以才能擢二千石後爲河南太守

馬廖字敬平援子誠直畏慎盡心納忠章帝中官中郎將封順陽侯

馬防廖弟章帝時與耿恭同擊羌虜大破之官中郎將封漢陽侯

馬光防弟封許侯建初八年詔曰舅氏一門俱就國封四時陵

廟無助祭先后者朕甚傷之其令許侯思慕田廬以慰朕渭陽之思

馬嚴防子官侍御史嘗以日食上封書帝納其言遷五官郎中薦達賢能申解冤結多見採用拜陳留太守

竇勳平陵人融之孫漢章帝后父

竇瓌憲弟官駙馬都尉封夏陽侯時竇氏專政侈肆自恣憲弟篤景皆驕縱不法惟瓌獨好經書節約自修及事敗篤景皆被誅戮瓌獨不與禍

竇武融元孫平陵人漢桓帝后父少以經行著稱延熹中以掖庭親拜特進封槐里侯遷城門校尉在位多辟名士清身疾

惡賄賂不通兩宮賞賜悉散與太學諸生及貧民李膺杜密坐黨禍幾死武抗疏救出之靈帝立進位大將軍更封聞喜侯與太傅陳蕃謀誅宦侍曹節等不克而死

蘇竟字伯况平陵人平帝時爲博士講書祭酒光武拜爲代郡太守以病免潛樂道術作記誨篇及文章傳於世年七十卒於家

郭伋字細侯茂陵人光武時守漁陽有治聲尋以潁川多盜遷伋爲潁川太守上勞之曰河潤九里冀京師并蒙福也到郡山賊息降建武十一年拜并州牧所至問民疾苦嘗行部西河有兒童數百騎竹馬歡迎於道年八十乞歸賜宅一區及

帷帳錢穀充其家悉散於九族

耿舒弇之弟官中郎將嘗從馬援征五溪蠻

耿國弇之弟明帝時爲五官中郎將時匈奴南邊八部立日逐王比爲南單于款塞內附議者皆以爲天下初定中國空虛不可許國獨謂宜如孝宣故事受之令東扞鮮卑北拒匈奴率領四夷完復邊郡帝從之北單于遂乞和親不敢犯邊自是中國無事者二十七年官至大司馬

秦彭茂陵人官太原守以禮訓人其後爲二千石者四人三輔號曰萬石秦氏

耿恭國之弟慷慨有大略明帝時以戊巳校尉屯車師永平末

車師叛與匈奴共攻恭恭與士卒推誠共死生數月食盡煮
鎧弩食筋革終無二心又拜井得水以示匈奴匈奴以爲神
單于欲降之遣使招恭恭殺之單于怒益發兵圍恭會救兵
至其軍吏范羌迎恭俱歸拜騎都尉

耿秉國之子博通書記能說司馬兵法明帝時官謁者僕射數
上言請擊匈奴以爲駙馬都尉擊匈奴林王絕幕六百餘里
至三木樓山而還永平十七年從竇固擊車師遂定車師復
置西域都護及戊己校尉以功封美陽侯

竇固融從子博覽書傳尤喜兵法襲父爵封顯親侯數征匈奴
有功明帝時與好畤侯耿忠至天山擊呼衍王斬首千餘級

追至蒲類海取伊吾盧地置宜禾都尉留吏士以屯田焉

耿夔國之子少有氣節從竇憲征匈奴斬其名王以下甚衆出塞五千里而還封粟邑侯

魯恭字仲康平陵人少孤貧力學太尉趙喜遺以酒糧不受舉明經拜中牟令蝗不犯界河南尹遣掾廉之與恭坐桑下有雉過兒童旁掾曰何不捕之童曰雉方將雛掾矍然曰蝗不犯界化及鳥獸豎子有仁心此三異也徵拜侍御史尋遷光祿勳選舉廉平貴戚皆憚其剛直累官司徒

魯丕字叔陵恭之弟爲世名儒以對策高第拜議郎遷新野令州課第一擢青州刺史尋遷陳留太守永初中詔公卿舉儒

術薦學者鄧騭舉不授侍中左中郎將尊之爲三老

徐福茂陵人博學洽聞上書言霍氏事霍氏誅告者皆封人爲福訟有曲突徙薪之喻遷爲郎

何敞比干六世孫章帝時爲太尉掾守正不阿帝崩竇憲殺都鄉侯暢欲蔽罪於暢弟剛敞說太尉宋由曰敞備數股肱職典賊曹欲親至發所以糾其變二府以爲故事三公不問盜賊敞請獨奏案之於是推舉具得事實累官至侍御史遷尙書後以上封事論竇氏奢侈僭逼忤竇憲意出爲濟南相徐幹字克振平陵人素與班超同志上書願奮身佐超平西域遂以幹爲假司馬將弛刑及義從千人就超擊破蕃辰斬首

千餘級拜幹爲軍司馬與超大破烏孫西域五十餘國悉納貢質內屬焉

蘇純字桓公平陵人性高潔持毀譽士友咸憚之曰見桓公患其教責人久不見又思之三輔號爲長者平和中爲奉車都尉從竇固軍有功封中陵侯

蘇章字儒又建八世孫純子舉賢良方正對策爲議郎數陳得失順帝時遷冀州刺史有故人爲清河太守章行部欲案其姦賊乃請太守爲設酒肴陳平生好甚歡太守喜曰人皆有一天我獨有二天章曰今夕蘇儒文與故人飲者私恩也明日冀州刺史案事者公法也遂舉正其罪州郡望風畏肅

蘇謙章兄孫初爲郡督郵時魏郡李嵩爲美陽令與中常侍貝瓊交通貪暴爲民患前後監司畏之莫敢發及謙至部案得其贓論輸左校累官金城大守

馬稜字伯威援之族孫拜廣陵太守時穀貴民飢奏罷鹽官以利百姓賑貧羸興復波湖溉田二萬餘頃吏民刻石頌之後爲丹陽守擒滅劇賊遷會稽治亦有聲

竇章憲族子好學有文章爲人恭儉除東觀校書郎

韋義字季節彪族子初仕州郡太傅桓榮辟舉理劇爲廣都長甘陵陳留二縣令政甚有績牢獄空虛數上書貶刺竇氏廣都爲立生廟及卒三縣吏民爲義舉哀若喪考妣